

四庫全書

史部

欽定四庫全書

史部

四明續志卷四

詳校官監察御史臣沈孫璉

檢討臣德生覆勘

總校官降調編修臣倉聖脉

校對官學正臣翁樹棠

謄錄監生臣吳端彝

欽定四庫全書

四明續志卷四

宋梅應發劉錫同撰

興復省併酒庫

周官設酒正掌酒之政令以式灋授酒材逮漢則令官作酒以二千五百石為一均率開一廬以賣榷酤之利國實賴焉鄞為郡瘠賦之入者約費之出者廣於是操其贏以濟其乏酤之賴維多甚非其得已也城內外諸

縣庫務坊場曰醕酒東庫曰香泉八庫曰江東慈福庫  
曰下莊務則舊管者也曰醕酒西庫曰江東贍軍庫曰  
結崎庫曰東門庫曰寶溪子庫則大使丞相吳公新創  
者也曰林村庫曰小溪子庫則昔敗闕而今興復者也  
曰省務曰犒賞庫曰江東庫則又今廢罷者也或官給  
本錢或聽民抱息或官吏監臨或軍將措置或兼令外  
庫管紹趣辦或以所廢庫本錢併歸他庫拘解日額凡  
皆酌地里均計公私之便究興廢之宜以為分合酌重

輕之則以課盈虧公之處此鑒焉其明衡焉其平官有所裨益而民亦安之外有五鄉礪奉化慈溪象山江口南渡東溪東吳大小榭郭宅澥浦松林翁山大嵩等務場隸經總制司具在別目

### 醕酒庫

元管東庫一所本錢三十萬貫年收息錢獻錢缸頭錢四十九萬六千一百七十七貫五百六十五文會一萬二千八百七十二貫八百五十六文省寶祐四年十月併省務公使庫犒賞庫為一庫添創西庫以補公庫之虧今給本二十萬貫作東西庫分抱息錢年收九十四萬九千二百七十九貫一

十四文會一萬二千八百七十二貫八百五十  
六文省東庫職級李柵西庫樓址措置管幹

比舊額增收息錢四十五萬三千一百二十一貫四百五十四文十七界

冷月以四月至八月終除小盡三日東西庫各日  
發一千一百六十貫五百六十八文會一十八貫

一百八十  
二文省

### 犒賞庫

寶祐四年十月仕既以海晏樓日額本錢四萬一  
千五百八十貫文撥付醕庫趣辦日拘息錢六十  
六貫納犒賞錢庫六年拘回元本零錢一千五百  
八十貫淨本四萬貫撥歸慶元府理為實格日納  
息錢改赴公  
使庫交收

# 城外香泉庫

元管八庫本錢五萬貫文年收息錢缸頭錢貼買  
瓶錢五十一萬三千七百六十七貫四百八十文  
會一萬四千九百四十二貫三百四十文省寶祐  
四年十一月以數內江東一庫改為贍軍庫收上  
元本一萬貫今七庫本止存四萬貫年收息四十  
四萬六千六百六十五貫八百文會一萬九百二  
貫一百八十八文省士  
產戶陳暉等七名分抱  
旺月以九月至三月終除小盡三日日發一千三  
百五十五貫二百文會三十三貫六百二十二文  
省

冷月以四月至八月終除小盡三日日發一千  
一百三十貫二百文會其省錢如旺月之數

# 江東慈福庫

元係香泉子庫不給官本年收息錢一萬八千一百四十八貫三百八十八文會日發五十一貫二百七十八文會除小盡六日內九千四百三十九貫九百八十八文係夏子仁柳成之抱認餘八千七百八貫四百文香泉七庫貼納

# 江東贍軍庫

見坐本錢八萬貫文年拘息錢缸頭錢貼買瓶錢一十五萬八千八百三十九貫六百八十八文會三千四百貫一百五十二文省提督官統領吳雄措置正將鄭瓊機察副將童寅  
旺月以九月至三月終除小盡三日發四百八十一貫九百二十文會八貫五百八十八文省



冷月以四月至八月終除小盡三日日發四百一貫九百二十一文會其省錢如旺月之數

### 定海縣烏崎頭庫

實祐五年七月據吳蘇卿乞不支官本管抱息錢年納一千貫文會

### 林村庫

實祐五年二月給本錢二萬貫文日拘息錢二百七十貫文會續減為一百五十貫再減為一百三十貫四百六十文歲納四萬五千四百貫八十文會每月合解拍戶版帳錢一千一十二貫七百八十九文會於內分撥經總制司一百四十一貫四百八十文羅本司二十六貫七百二十四文常平司九十二貫七百四十八文慶元府一千七百五十一貫八百三文

寶溪子庫

寶祐五年十月據黃迪功澄乞抱納日息錢六十貫文會六年別召募厲進之管紹趣辦借本錢一萬貫文會歲抱息二萬一千二百四十貫文

小溪子庫

寶祐六年正月據黃迪功澄乞抱納月息錢四百八十四貫三百五十文會官不給本錢歲納五千八百一十二貫二百文會

奉化縣鮎埼庫

寶祐四年十一月契勘到有無敗闕因依據監結埼鎮權巡檢薛迪功申元納通判東廳常平糴本

司月息錢會三十貫四十五文慶元府錢會二十  
五貫一百七十文遂具申朝廷差黃澄迪功監鮎  
琦庫將已廢罷省務銅朱記一顆發下庫收管給  
本錢四萬貫置買庫基屋宇又一萬貫糴麥納欠  
八千貫日拘本府息錢五百貫六年十二月黃迪  
功再借三萬貫往平江府收糴米麥尋委制司準  
使張鈔前去點檢就行提督仍關三萬貫前去措  
置却行拘回黃迪功元關錢拘上胡珙王繼善文  
括監納元虧息錢三萬四千貫續據黃迪功解納  
一萬四千六十貫少欠四萬八千貫文其張鈔界  
內自十二月以後日拘息錢每半  
月一次解發七千五百貫文會

## 東門庫

寶祐四年十一月先撥本錢一十萬貫文差部吏  
王茲將校翁禧措置年拘息錢十八萬丑年二月

市戶李珏張從龍乞照王圭倒開抱以息錢對撥支散水軍十月水軍申本庫兩旬無發到錢數遂委本軍交併酒庫就行任責措置十二月本軍中乞止存留本錢五萬貫自六年正月始不以冷旺月月納息錢一萬貫細作見錢五百五十貫足抵充軍券續監張從龍李珏回納一半本錢五萬貫銷落實樁之數六年五月鄭迪功增歲額為一十三萬開慶元年正月鄭迪功又乞量減日息遂成年通減五千貫實管年額一十二萬五千貫三月管率僧了生與水軍統領連忠交爭仍撥付軍中抱認開酤所存官本年拘息錢並如舊

## 下莊務

舊例每年於在城都稅院定海稅場大嵩等鹽場各差合十人充本務專知起辦官課開慶元年二

月據大嵩等鹽場申乞免差人充重難歲抱七萬  
二千貫文作四季解發內以六萬四千三百九十  
五貫約樁公使庫一年專知合賠貼之數三千一  
百三貫於經總制司令項酒息內添撥八千六百  
貫樁作本務合解諸司錢及攘兩稅務貼助三萬  
五千貫以一萬五千貫發下廣惠院二萬貫公使  
庫收  
附

### 經總制司

范蜀公嘗言密院主兵三司主財則有各不相知之弊  
至和間遂請密院三司通知兵財制為國用蓋欲兵財  
脈絡貫通也上而朝廷次而制閫同一理耳軍餉之權

容可貳乎沿海新舊水軍凡六千人若衣若糧皆給於府獨券錢府給二千人餘四千則通判東廳以經總制司錢給之歲久而弊倖廳官若吏間以餉軍之錢資泛用豐私橐而軍額率虧數苟且循習非一日吁兵統於制閫而財給於郡佐事權不一宜其弊至此也大使丞相吳公熟錢穀甲兵之問於廟堂久矣寶祐四年來開大間報政之五月數軍實攷貨源亟請于朝以經總制司歸之制府自催自給且得旨創大使司物斛官一員

拘確之理順勢便故招刺皆驍勇而尺籍不至空虛給  
餉易辦集而朝廷不煩科降今以未撥歸制司以前攷  
之寶祐四年十月分月幫水軍官兵券三千三百六十  
五人錢會紐計十七界一十六萬一十六貫二百四十  
文米計二千八百六十五石三斗一升自撥歸制肘後  
開慶元年四月分月幫軍兵券三千八百六十五人錢  
計十七界一十七萬七千八百八十一貫五百七文米  
計三千三百七十六石九斗五升二合五勺以今比昔

則添刺軍兵五百人一歲增帑錢二十一萬四千三百  
八十三貫四百文增帑米六千一百三十九石七斗一  
升及添造五百人七事軍裝通支錢一萬二千一百八  
十四貫六百二十文軍政修明兵食充裕成效昭然視  
在倅廳時大有間矣申請次第及修復經總制坊場條  
列于左

省劄

寶祐四年十二月二十八日準省劄備據沿海制置大



使司狀照對本司近曾具申朝廷乞將慶元府通判廳  
給遣定海水軍四千人窠名錢物撥歸本府就行拘催  
并餉新舊兩軍恭準省劄坐下照得通判廳有起解農  
寺與夫諸府俸料併主管官茶湯錢及其它公費皆仰  
于此今若盡歸本府亦合先與區處使解發者有所指  
擬仰給者不至乏絕庶幾平允否則通判自此別無職  
事而廳分可廢矣此其為通判之慮甚悉然事體實有  
委折只得詳細稟控蓋本廳之供餉水軍不過經總制

司緣倅廳權輕諸縣多有拖欠其間又有簞簞不飾之人虛支妄用有若泥沙所以舊軍四千人係通判廳之所給餉者額常闕數百人本司雖欲盡行招刺亦忱恐倅廳事力不給或至它虞故亦不敢放手今連準密劄措置海道招刺闕額今四千人之額將闕千人矣本府何幸可省千人之月米然非所以為公家計也所以欲得將通判廳給餉水軍錢物徑從本府拘催庶幾錢錢字字皆有着落而千人闕額亦可填補此區區申請之

本旨也若曰諸府使臣俸料歲不過二三千緡舊例所  
在本府自應接續幫支無緣復以強之倖廳若又曰通  
判廳別無職事則却非所慮蓋通判廳除經總制司之  
外其所管者又有常平司則所催者坊場河渡正名錢  
五分及六縣役錢以奉內藏庫左藏庫等處之經常者  
也又有糴本司則催諸縣酒稅分隸錢及坊店戶四分  
錢而奉農寺之經常者也既有窠名則有催理其職未  
嘗廢也況給遣之錢除經總制司合收之數又多係本

府應副貼助則歸之本府自催自給似合事宜兼潛忝以舊弼旬宣通判固在按察之內而財賦支遣多與本府相關自從制司拘上催理在通判廳亦所不靳緣潛嘗服韓魏公之言曰琦昔為宰臣惟有奉行朝廷命令每事稟命朝廷故雖此細故亦必申聞朝廷取指揮者正前修之遺意亦將以為今日諸道岳牧之倡也然可否忱不敢自必但若以體統而言水軍六千人衣取給於本府米取給於本府內二千人券錢亦取給於本府

獨四千人券錢取給於倅廳於理勢自是不順欲望朝廷更賜詳酌施行伏候指揮奉聖旨依石劄送慶元府本司將拘到錢每年起發降本錢三萬四千四百貫文十八界見作六綱起解赴行在省倉和糴場交納及起發六文煮酒錢四千五百貫文十八界作一綱起發赴行在封樁下庫交納外及每月中下兩旬支散沿海制置大使司水軍官兵券食等錢及諸府第香火官親兵衣料錢次年攢具總收支細帳申省部擺算理豁續實

祐五年十二月空日準尚書省劄子節文沿海制置大使司申云云今本司見蒐補卒乘招填定海積年闕額水軍所急者錢糧擬照沿江諸閫例創置物斛官一員小貼子潛又照對定海水軍為額六千人舊例四千人係通判經總制司給餉二千人係慶元府給餉緣通判廳專以餉軍之錢為非泛之用其貪者則捲為囊橐大約通判一任入己之錢不下三四十萬緡因此四千人軍額常闕數百人上下蒙蔽所謂制臣亦未嘗過而問

馬天下之弊其可為哀痛類此久知此蠹去冬即具申  
朝廷乞將通判廳經總制一司錢物就本司自行拘確  
招填闕額近已收刺將及四百人皆沿海亡命之徒人  
人拳勇可用給等下錢百千七事件衣裝一副每副該  
三十貫五十五文一卒之費共一百三十貫五十五文  
皆取之於經總制一司上不費朝廷科降下不費州郡  
那移雖月糧及春冬衣賜取之慶元府本府所不敢靳  
然經總制司錢物尚有贏餘可以通融補助月糧衣賜

之費但通判廳官吏昔奢今儉昔汚今清未免仇視本  
司今來本司所以乞照沿江諸閫例創置物斛官一員  
者正欲專一招確上項錢物永為定海一軍隨闕隨拘  
之用其於海道防拓關係非小欲望朝廷再賜劄下本  
司永為遵守其慶元府及通判廳更不許干預實為悠  
久利便併乞照會十二月十九日奉聖旨並特依

一每年申省部出豁高額錢

朝省以紹興二十九年為額歲拘四十一萬貫以



後止趣到二十三萬有奇遞年以省部印下書  
填收支季帳及戶部截撥收支旁帖具申出豁

一諸縣窠名

鄞縣

戶長役錢夏秋兩料每料九千四百四十三貫  
六百八十二文錢會

小溪酒坊生煮酒錢年管一千五百一十二貫  
五百四文錢會

一半元係本坊解發寶祐六年正月鮎崎酒  
務申請作子店年解七千四十一貫六百文  
十七界

一半係建舉坊店戶送納

林村酒務舊額月取六十貫錢會今月撥一百  
四十一貫四百八十文十七界

下莊酒務年管四百五十五貫七百文錢會元  
係財賦司拘納今撥歸經總制司却於諸項酒

息錢內年撥八千六百貫文十七界

本縣豐樂鄉頭子錢夏秋兩料各一十四貫一  
百四十四文

丞廳武康鄉頭子錢夏秋兩料各一十六貫九  
百一十三文錢會

簿廳武康鄉頭子錢夏秋兩料各七貫五百六  
十文

尉司手界鄉頭子錢年管三百六十貫錢會

奉化縣

丞廳戶長免役錢共管七千八百六十七貫四  
十文錢會

稅場錢年管四百三十四貫二百二十八文錢  
會月分解發不等

慈溪縣

本縣戶長錢四千八百貫文錢會  
稅場錢年管七百二十貫文錢會

象山縣

簿廳戶長免役錢年管二千一百七十一貫三百二十八文錢會

酒務

生酒錢三百一十貫一百四十文錢會

煮酒錢二百七十五貫三百四十六文錢會

昌國縣

本縣省司錢年管一百二十二貫三百四十文

錢會

丞廳

戶長錢年管一百三十一貫四百六十四文

錢會

免役錢年管七百七十二貫八百二十四文

錢會

定海縣

本縣房廊錢月取一百二十文

林村六分錢月取九百二十文

丞廳戶長錢二千三百五十七貫九百一十四

文

稅場錢年管一萬三千七十七貫六百二十四

文錢會

一諸縣合發本司隨母頭子錢各照則例隨解發多

寡計算在府倉庫每月分撥錢亦同

一每年本府科撥錢

生酒錢一萬六千一百六十九貫五百六十二文十八界

煮酒錢一萬三千二百貫文十八界

省務本色煮酒三千三百九十五瓶各三升照時價計錢二千七百一十六貫五百四十文十八界助軍錢三萬貫文十七界

市舶務對兌錢

舊支軍券多闕見錢市舶務高麗日本及蕃南販舶遇抽解拘到一

半五分見錢內許本司將十八界會子對兌見錢五分之二係用一貫新會兌一貫見錢湊散軍券



自經總制司撥歸制司未曾對  
兌奉鈞判照舊例對兌一半

一每年令項科截絹右千二百疋綿一萬三百五兩  
四錢轉變價錢湊發綱運軍券支遣

鄞縣絹一千五百疋綿一千四百兩

定海縣絹九百疋綿七百五兩四錢

昌國縣絹一千八百疋綿五千二百兩

慈溪縣絹七百疋綿五百兩

奉化縣絹一千三百疋綿二千五百兩

象山縣不曾科

興復經總制諸酒務坊場

渡附

一奉化酒務元係本府給米麴本於內歲解經總制  
司額錢後改為萬戶徑取淨息生煮酒年取二千三  
百貫有奇寶祐六年六月以白劄子陳請酒司與行  
頭均敷酒息重為民擾乞仍舊貫立官務遂給八千  
貫起造務屋仍撥本錢四萬貫并造麴用夫工飯米  
三十石興復措置每月發錢二百三十貫九百八十

文十八界

一慈溪酒務元係本府給本於內歲解經總制司生  
煮酒額錢二千二百貫有奇嘉熙間風水之變務屋  
頽毀遂令拍戶抱賣取淨息久而私酤行額失其半  
拍戶屢詞乞復舊務遂重建務屋給本九千貫十八  
界自淳祐五年九月為始月取息二百一十六貫六  
百八十文十八界

一象山酒務寶祐五年三月據象山知縣劄子乞本

府差官措置本縣酒政遂撥錢二萬貫委官下縣措  
置全年息錢七萬貫候解到年撥二萬貫下廣惠院  
一翁山酒坊管下子坊一十五所元係民戶抱納通  
判東廳額錢嘉熙四年因府第攘奪白泉子坊遂改  
坊為萬戶任從民間醞造却將額錢攤抑一縣有物  
力之家續額錢無歸民戶被害遂有坊場改萬戶貧  
富齊受苦之謠詞訟紛紛制司曾申戶部久而未復  
寶祐四年沈修武等曾進狀乞抱坊備本酤賣續又

經制府陳乞借本興復年納淨息三十萬貫蒙大使  
丞相吳公申省照應仍於經總制司借撥十萬貫其  
所抱三十萬貫與減六萬貫分作十二箇月起解五  
年四月申省奉聖旨特依續將收到息錢每年支撥  
下郡庠充養士厨食錢水軍制領將佐供給錢新創  
諸屯水軍及出海巡遶探望把港軍士生券本府六  
局衙番鹽菜錢數見砂岸奏劄

翁山坊月納三千一百二十四貫七百三十六文

翁浦坊月納五百三十二貫五百一十二文

黃公坊月納一百七十七貫五百四文

厲舉坊月納七百一十貫一十六文

岑江坊月納一千六十五貫二十四文

大蘆坊月納七百一十貫一十六文

冊子坊月納二百六十六貫二百五十六文

北界坊月納一千一百五十三貫七百七十六文

崑斗坊月納一百七十七貫五百四文

岱山坊月納六百二十一貫二百六十四文

白泉坊月納三百一十貫六百三十二文

馬秦坊月納三百五十五貫八文

小砂坊月納四百八十八貫一百三十六文

防海坊月納七百一十貫一十六文

大小榭酒坊實祐六年撥錢二萬貫差人措置開  
酤月解息錢無定額

定海縣澥浦坊實祐六年十月據蔣副尉狀乞就

府庫開本錢一萬貫措置開酤年解淨息二萬貫  
其常平糴本司錢自經通判廳送納本司遂就經  
總制司庫撥本錢二千貫十八界月拘息一千六  
百七十貫十七界

五鄉礮酒庫舊來冷月解息五千一百貫小盡減  
一日熱月七千八百貫寶祐六年十二月劄鄭議  
事措置月解四千貫仍給本一萬貫元年正月又  
於莆陳石湫各置子庫一所每庫請本錢五百貫



月增解息錢五百貫

大嵩等八坊寶祐六年十月通判盧奉議申任輕  
職薄縣道不相體察上臺絡繹追逮官吏乞索上  
常平司坊場就制司併行措置遂委薛修武措置  
關請官本二萬貫下大嵩坊外自餘七坊不願請  
本仍抱納息錢

大嵩坊年納息錢三萬貫

韓嶺坊年納息錢九千三百九十一貫六百八十

文

館江坊年納息錢一萬七千貫

富浦坊年納息錢一萬六千貫

慈舉坊年納息錢一萬六千五百貫

下水坊年納息錢一萬七千貫

鹽場坊年納息錢一萬八千貫

東宿坊年納息錢四萬三千貫常平司并本府版

帳錢在內

已上八坊常平司正名五分糴本司四分錢本  
府六分版帳錢並在內

象山縣東溪坊元本府額錢七十五貫汪湘增作二  
十九貫六百文錢會抱撲當年續據厲必達於本府  
額錢增作四十貫六百文又增抱每年息錢作六千  
貫攬抱及給榜歷後更無分文交納汪湘陳乞仍舊  
抱撲財賦官書擬息錢照厲必達增抱數其本府六  
分錢仍舊作二十九貫六百文奉鈞判照行仍將六

千貫與減二千貫少懲厲必達之妄

奉化縣江口南渡坊開慶元年三月汪籌抱撲除常平司正名錢外年解息錢二萬貫

慈溪縣郭宅坊久廢僅存坊基村民布麥其上方戶拖欠每年止納常平正名四五分錢年管一百五十二貫五百八十文錢會月納大使府錢三十九貫九百六十文錢會率是拖欠開慶元年三月本縣申乞併入縣務止就坊界內創兩都店年解息錢

象山縣姜嶼渡年納官錢二百貫文錢會係開慶元年三月增抱

東吳坊八十八戶抱店庾富總納每月息錢一千五百貫

蠲放一分酒錢

開慶元年五月二十二日奉鈞判批銀牌兩司見行祈晴今有寬恤事件數內制司興復常平酒坊應人戶抱納額錢成年課利並與十分減免一分其抱坊人亦合

於拍戶遞減以示優恤今具諸坊減免數目下項

翁山坊減免三千二百一十三貫一百文

翁浦坊減免一千五百二十貫九百八十文

黃公坊減免五百六貫九百九十五文

厲舉坊減免二千二十七貫九百八十文

岑江坊減免三千四十一貫九百七十文

大蘆坊減免二千二十七貫九百八十文

冊子坊減免七百六十貫四百九十二文

北界坊減免三千二百九十五貫四百六十八文

崑斗坊減免五百六貫九百九十五文

岱山坊減免一千七百七十四貫四百八十文

白泉坊減免八百八十七貫二百四十一文

馬秦坊減免一千一十三貫九百九文

小砂坊減免一千三百九十四貫二百一十六文

防海坊減免二千二十七貫四百八十文

烈港坊減免四千四百三貫五百九十二文

大嵩坊減免三千貫文

韓嶺坊減免一千二百貫文

館江坊減免一千七百貫文

慈舉坊減免一千六百五十貫文

富浦坊減免一千七百貫文

下水坊減免二千七百貫文

鹽場坊減免一千八百貫文

東宿坊減免四千三百貫文



江口南渡坊減免二千貫文

澥浦坊減免二千貫文

東溪坊減免四百貫文

東溪坊減免一千八十貫文

大小榷酒庫無定額

廣惠院

宋億萬年之基雖遭時之難三邊用兵久不解甲而本  
根不搖其所扶持憑藉遠矣潛服勞中外歲垂三紀事

主上寂久熟知德意志慮無宵旰不在赤子故鞠躬受  
任符節者十二三惟以撫摩愛養為主忱不敢鄙夷其  
民而於窮苦廢疾者尤不敢忽也且自古言治莫盛於  
帝王其在堯舜則曰不虐無告不廢困窮在禹則曰予  
視天下愚夫愚婦一能勝予在湯則曰子惠困窮在文  
王則曰懷保小民惠鮮鰥寡在武王則曰無虐旡獨在  
成王則曰其不能誠于小民又曰以小民受天永命帝  
王治法之綱領蓋具於此而豈高明威富云乎哉四明

為荆左大都會城邑井市人物阜繁則夫鰥寡孤獨與  
瘠聾跛躄之民宜不能免焉自強大之家豪奴黠隸極  
智術以牟利而齊民之生理日迫蹙以至于竭齊民困  
則窮民益困於是鰥寡孤獨瘠聾跛躄之民得其生者  
鮮矣自淳祐初柄國者立為厲禁常平義廩之儲有司  
不得擅發凡窮民遇歲晏始一濟所濟者狹而受濟者  
寡於是鰥寡孤獨瘠聾跛躄之民得其養者又鮮矣此  
固長民之官所當視猶飢渴者也屬初莅郡徧核浮淫

之蠹併省酒務得弊屋一區亟加繕葺且增創新楹合前後共一百五間聚城內外鰥寡孤獨瘖聾跛躄之將溝壑者使居焉以三百人為額大口月給米六斗錢十千中口四斗七千小口三斗五千所費皆不取於郡之經常庶幾其可以久也前輩有言士大夫苟有意於及物由一命以上皆可行志天下安有不可為之郡哉為之者疾用之者舒正辭明義禁民為非毋以寵賂相尚毋以脂膏自肥而又能窒罅漏而杜蔽欺則財常足矣

以餘財而及民物詎非行志中之一樂哉或曰城邑市井之民固幸矣如田里何迺復捐羨錢一百四十七萬三千八百五十五貫文預為六縣人戶代輸寶祐六年折帛以寬布縷之征倣補助之義焉若本院田畝之數金穀之入規畫之詳具刻左方後之君子其相與附益之以克廣聖天子德意志慮於無窮云寶祐五年良月朔觀文殿大學士光祿大夫沿海制置大使判慶元軍府事兼管內勸農使金陵郡開國公食邑五千八百戶

食實封一千六百戶吳潛記

規式

照得諸路州郡皆有養濟院以處鰥寡孤獨瘖聾跛躄無所依倚之人雖常平法有養濟錢米自朝廷拘確義倉州縣不許擅行支移而鰥寡孤獨瘖聾跛躄之人每隆冬盛寒止支給三月而已然亦不能徧及此郡乃浙左雄邦人民繁庶有餘之家率務豐殖於是富者日富貧者日貧而所謂鰥寡孤獨瘖聾跛躄之人益無生活

之路按圖志郡舊有養濟院一區特不過矮屋三數間  
今轉為馬廐不惟實亡名亦亡矣昨以省務酒額併歸  
公庫屋宇空間遂行修葺改為廣惠院存留此等無歸  
着不能自存之人仍撥田畝以充養贍專委官提督欲  
使寒不致凍饑不致餒老者以待其盡少者以俟其長  
庶幾壽夭不致橫亡其間寧無很暴不可禁止者每五  
十人置一甲頭且以三百人為率總為六甲專募一行  
者以供灑掃之職仍總以六甲之權今條劃約束如后

金匱要略卷之四  
一凡有藝業自能手趣曾經過犯不律之人並不許  
存留如覺察得知一例坐罪

一或有不思凍餒之無歸一時飽暖恃長凌幼恃強  
凌弱攪衆敗羣者仰管院行者指名從公申舉輕則  
從提督官戒約重則解府逐出永不存留

一每一大口月給米六斗錢一十貫一小口

五歲以上  
月給米三

斗錢五貫十歲以上月給米四斗  
錢七貫十五歲以上從大口給

一每甲擇稍強壯者充火頭量增日給如或偷竊減



剋即時中舉從提督官解府斷逐仰甲頭行者嚴行  
監董

一監董行者能自勤謹仰提督官會計度牒之直以  
三年為限每月於見管錢內令項撥椿若干待及三  
年收買度牒付其披剝披剝後願留則留不願留則  
別踏逐人管幹所有度牒錢亦照前例撥椿庶可責  
其公心幹置

一甲頭責其鈐束火頭責其造辦飯食於日給之外

每名貼支錢五百文

一所給之錢專充收買薪菜鹽醬之屬冬月不許各人偷爬炭火有妨造辦每日酉牌打減厨下火種不許存留引惹風燭

一糞土仰甲頭五日一次出賣候賣到錢均給諸房油火有餘則椿積一處逐旋收買布草夏則造為罩子冬則添買綿絮造為布被或買紙被計口分給其有故不愛惜爭奪損壞者量拘日給之錢修整

一管院行者月支食米一石鹽菜錢十五貫文

田租總數

一每歲管收租米二千三百三十六石五斗二升七

合

水田一千七百三十九畝二角四步三尺四寸五分  
分收租米二千一百六十六石五斗八合

湖田一百七十八畝二角六步收租米九十七石  
一斗一升九合

塗田六十九畝三角四十二步收租米七十二石  
九斗

鄞縣

水田三百六十九畝一角五十三步

內連地三十六

畝二角五十九步半

收租米四百八十一石五斗一升

八合五勺

湖田一百七十八畝二角六步收租米九十

七石一斗一升九合

淘湖田八百五十二畝四十四步收租米一

千石

定海縣

水田二百九十二畝二角四十八步一尺七

寸

內連地一  
角二十步

收租米三百六十四石七斗八

升三合

慈溪縣

水田七十一畝二十步半收租米九十七石

七斗九升

奉化縣

水田一百一十五畝一角四十步收租米一百五十五石四斗三升六合五勺

塗田六十九畝三角四十二步收租米七十二石九斗

象山縣

水田一十四畝三角三步半一尺七寸五分

收租米一十六石三斗三升

昌國縣

水田二十三畝三角一十五步并岑江寨基  
收租米五十石六斗五升

錢總數

一每歲管收官會七萬六千四百五貫一百四十二  
文十七界

見錢九十六貫二百文足

省錢三貫一百一十文并一貫文錢會

拘到山田地屋宇共收租錢

地六十二畝一十一步二尺四寸收租錢五十

八貫七百文足

閩安國租  
錢在內

官會六百五十五貫

文十七界并錢會一貫文

山七十七畝一十步

內連地  
二角

收租錢一十貫一

百五十文足官會一百五十貫文十七界

田一千三百六十二畝三十一步收租錢一萬



七千四百八十二貫三百四十二文十七界

屋及地基一十二所收租賃錢一十四貫五百

文足官會二千三百八十二貫八百文十七界

省錢三貫一百一十文

象山縣抱解沃希崇道士租課錢一十二貫八

百五十文足官會七百三十五貫文十七界

都稅院合千人納免專知重難錢一萬五千貫

文十七界

本府支撥錢四萬貫文十七界

象山酒務二萬貫文

東門酒庫二萬貫文

租麻皮總數

地三十四畝二十六步

內連田一畝一角三十九步

收租麻皮

四百一十二斤九兩足秤

租麥總數

地一十四畝二十三步一尺五寸收租麥七石百

合斗

鄞縣

朱明田六畝三角一十四步租米一十石

薛德廣田一十二畝三角二十七步租米一十五石四斗

朱氏田一十二畝一十一步地一角二十一歩租米一十七石四斗四升

王逢龍田二十一畝一角五十一歩租米三十石七斗

李之秀田一十畝二十八步半租米一十三石七斗六升八合

錢王兩宅田六十七畝一角租米九十二石一斗七升八合七勺

繆良田五畝三角二十四步租米五石八斗五升  
咎大猷田一畝八步地一片計一畝三角五十一  
步租米四石九斗五升

湯汝敬田四十三畝三角七步地三角四步租米

六十五石

僧行端田九畝一角五十一步半租米一十二石

三斗五升

僧行林田一畝一角一十三步租米六斗五升

史縣丞田一十一畝三角一十七步租米一十三

石九斗二升七合八勺

馬式田一十畝一角五十九步租米一十三石四

斗五升五合

陳莘田一百九十五畝二角四十七步半共上正  
租并花利租米一百二十七石六斗五升七合八  
勺

水田五十三畝三角八步半租米六十一石四  
斗一升一合八勺

湖田一百四十一畝三角三十九步租米六十  
六石二斗四升六合

潘得六田一十四畝一角四十五步半地一畝三

角一十三步半租米二十二石三斗一升七合五

勺

王英田一十三畝二十四步及地一角四十步租  
米一十三石七斗六合

蔣鄉貢田五畝二角租米六石二斗四升

陳安國湖田七畝正租并花租共八石五斗六升  
湯耜湖田一十一畝二角六步花租米五石三斗  
一升三合

陳子諲湖田一十八畝二十一步租米一十七石  
僧善皎田二十一畝三角五十七步半租米三十  
石二斗二升九合四勺

徐渭老虞埏田七畝一十七步租米九石七斗二  
升

周氏田三畝三角三十九步租米六石六斗二升  
二合

張慶三田二十八畝二角五十二步地一畝一角



二十九步又地一片租米三十五石六斗二合三勺

史厲兩宅分租砂地一十七畝一角五十六步一寸五分係史通判幹人沈文兩名分租共納租錢三百五十貫文十七界

八字橋接待庵基三角租錢四貫五百文足

李爕地五畝一角二十八步租錢一十二貫文足

張慶三地三畝五十五步租錢四貫八百文足

趙永租地一片計一角五十六步租錢六百貫文  
十七界

趙端租地一片橫闊一丈二尺深六丈年納租錢  
三貫一百一十文七十七陌

鄭文租地一片計一角一十一步二尺六寸日納  
賃錢三貫二百文十七界年約一千一百三十二  
貫八百文十七界

朱諒租賃本院前水步東樓屋一間租賃錢一百

貫文十七界

陳青租賃本院前水步上樓一間租賃錢一百貫

文十七界

董輝租賃本院西挾屋一間租賃錢一百五十貫

文十七界

張松租賃屋二間租賃錢一百五十貫文十七界

阿顧租賃本院浴院後屋一間租賃錢一百五十

貫文十七界

林巡檢屋一間直又舊屋二間并道頭安船淤坑  
厠兩眼連地屋柱為界東西量計五丈南北量計  
一十丈租賃錢九貫文足

周復孫砂地二十六畝一角四十八步租麻皮二  
百九十八斤九兩足秤

任允詳砂地一十一畝九步其地被水衝作溪灘  
實有地三畝租麻皮四十八斤足秤

僧行林田一畝一角三十九步地一畝三角二十

一步租麻皮四十三斤足秤

張慶三地一角四十三步租麻皮八斤

定海縣

僧姚元聰田一十畝二十八步租米一十一石

李氏田三畝地一角二十步租米三石五斗

龔明田五十六畝三角四十七步租米七十二石

五斗一升五合

黃榮田六畝三角五十四步租米六石五斗

靈巖義役莊田三十五畝三十九步半租米四十  
九石五斗六升

樓圭田五畝三角零租米八石五斗八升

張一飛田四畝一角四十六步租米六石六斗九  
升五合

求煥田五畝一角四十六步半租米四石六斗八  
升

林暉田五十二畝三角租米六十三石六斗六升

吳宗田一畝三角租米一石八升

韓文才田一十二畝三角二十七步租米一十一石五斗八升三合

阿盧田一畝半租米一石三斗

王珏田六畝二角租米一十石七斗五升

僧祖淨崇玖田二十七畝一角二十七步半租米三十七石八斗七升五合

王佑田二十二畝一角五十九步半一尺七寸租

米二十九石五升五合

王與直田一十三畝二角租米一十七石五斗五升

滕錯田二十五畝三角一十三步租米二十七石九斗

方安瑀山一片計三十九畝租錢七貫五百文足  
黃榮地一畝二角三十三步租錢一貫七百文足  
又五貫文十七界



定海淘湖田計二十六畝三角一步租米五十三石二斗五升六合四勺五抄每石折錢五十貫文十七界計二千六百六十二貫八百二十二文十七界係定海縣抱催起解

定海舊海塘田一千九十畝一角每畝元納米三斗新海塘田二百四十五畝三十步每畝元納米二斗兩項共計一千三百三十五畝一角三十步奉鈞判合納三斗者減免五升只納二斗五升合

納二斗者減免五升只納一斗五升續奉鈞判每石折錢四十八貫文仍以爲定例米計三百八十七斗四升共折錢一萬四千八百一十九貫五百二十文十七界

奉化縣

王鋼田一畝三角三十步租米二石九斗二升五合

盧上舍田八畝三角一十三步半租米七石一斗

五升

張檄之田五畝五十三步半租米六石五斗

常浦磧田三十二畝并竹塘炮基租米四十三石  
一斗二升五合

僧善皎田七畝三角三十四步租米一十三石九  
斗三升七合

蔣文仲田二十二畝二角四十七步租米三十五  
石二斗三升

張汝弼塗田三十畝租米三十三石

張慶三田三十六畝三角四十二步租米四十六石五斗六升九合五勺

周大倫塗田三十九畝三角四十二步租米三十九石九斗

閻安國園地上有竹木等并內有油車屋三間木椽瓦蓋租錢五貫文足

袁起巖山五畝租錢一貫四百文足

應思鉉苔地一十八畝三角一十八步租錢一貫文足

鍾秀實侵占奉化酒坊基二十六步租錢三百貫文十七界

僧善皎地并新開田共七畝二十一步半租錢二十四貫二百文足

張慶三地二畝一步租錢一貫文錢會

張慶三地三角五十五步租麻皮一十五斤足秤

僧善皎山三角租錢五百文足

慈溪縣

方怡田二畝二角四十四步租米三石七斗七升  
顧友十九田五畝二步半租米六石五斗

張鐸田八畝三角七步租米一十石四斗紅白米  
各半

陳允璉田一十一畝三角三十步租米一十六石  
五斗五升

許千三田二十三畝三角五步租米三十一石五斗九升

璩閨三等租佃陳萃田六畝二角三十四步租米七石四斗

孫伯恭田九畝三角四十三步租米一十七石一斗六升

張氏兒田二畝一角三十五步租米四石四斗二升

羅濂地一畝二角租錢三貫五百文足

阿陳桐竹山二十八畝係二片及地二角上有草屋二間一舍租錢一百五十貫文十七界

羅辛一等屋二間并基地半片計一角三十步租錢二貫文足

象山縣

謝元五等租佃謝宗五等田四畝三角四十步一尺七寸五分租米五石三斗三升



朱榮伯田七畝三十二步租米六石五斗

僧子皋田二畝二角五十一步半租米四石五斗

沃希崇道士田二十六小丘并地一小丘租穀二

十九石四斗及山地二十九項租錢一十二貫八

百五十文足不該畝步係象山縣抱催起解內租

穀每石發錢二十五貫計七百三十貫文十七界

謝元五等地六畝一十二步半二尺二寸五分租

錢一貫五百文足

謝元五屋一所計三間七架並係木椽瓦蓋并地基計三角四尺四步租錢三貫文足

謝得六屋一間一挾木椽瓦蓋地基計一角三四步五尺租錢五百文足

謝元五地四畝三角四十八步一尺五寸租小麥二石百合斗

謝元五等山三畝三角一十步租錢七百五十文足

昌國縣

陳合田六畝八步租米六石五斗

趙時舉田八畝五十二步租米八石四斗五升

朱千十一娘田四畝一十五步租米四石五斗五升

應璩孫田五畝二角租米七石一斗五升

岑江寨基租米二十四石

陳合地九畝三十五步租小麥五石百合斗

兩獄

大使丞相判是邦也古鏡燭天奸宄削迹庭無留訟獄  
無滯囚故囹圄時空虛然聞左右院不葺者數十年廳  
戶老朽頽仆開慶元年六月亟命修之易其老且朽者  
植其頽且仆者疏湫閉補罅漏俾縲紲者可免疾疫矣  
兩院總費錢一萬八千四百八十九貫一百五十文米  
四十四石六斗九升七月七日司理陳利用浚井於獄  
廊得石碑一乃紹興二十九年六月僧智亨可久鐫梵  
呪以納於井泉本寒冽自出此碑井遽苦不可汲復投

之泉甘如初亦怪矣哉因附書之

### 廂院

本府舊無廂院附之牢城然牢城古之園土因有濱死而獲宥者則繫於是不得與齊民齒齊民有訟于有司兩造未備無親若故可保識則寄之廂以防竄逸乃與城旦之囚伍雜處穢汙間斃於疫豈國家愛民意哉寶祐四年九月大使丞相吳公始至惻然矜之委僚吏即醋庫舊址砌建廂院為屋凡關楹外植垣墻內列戶牖男

女異室如民居然且擇老成吏卒廩以粟俾譏其出入云


兵馬司

開慶元年七月大使丞相既修兩獄因念牢城損圯尤甚乃撥錢四千五百七十五貫二百文米八石六斗八升併為葺治囚者便焉

架閣樓庫

樓在設廳之東西廡案牘充棟山積歲久弗葺淋炙日

甚大使丞相謂兩司文書官藉以攷舊比委之頽簷敗閣以便去籍者之姦可乎開慶元年七月更而新之總二十有六間其擇材鉅其用工精書皮上分吏畬下列自今插架整整圖籍之儲得其所矣凡費錢三萬一百一十一貫三百文米七十石一斗



四明續志卷四



欽定四庫全書

史部

四明續志卷八至

詳校官監察御史臣沈孫璉

檢討臣德生覆勘

總校官降調編修臣倉聖脉

校對官中書臣黃晃

謄錄監生臣潘炯

欽定四庫全書

四明續志卷五

宋梅應發劉錫同撰

新建諸寨

夜飛山永平寨

介明粵之間有山曰夜飛東距慈溪西接餘姚舟行之  
衝也大江派分一及慈溪至丈亭四十五里江面狹  
而居民稠丈亭十五里而蜀山又五里而夜飛山又十

里而咸池則間無聚落蒲葦之儔於焉出沒輔以逋藪  
過者病焉先是鄉民告于郡欲自大江之北慈溪西亭  
浚橫經運河迂道夜飛山後出餘姚之桐下湖以避江  
行大府俾制幙趙若埜蒞其事且咨之里父老相厥宜  
以度土功至則淤沙斷港知必為畚鍤費且曲折迂迴  
亦匪利涉既而得淳熙間慈溪尉趙汝明墨刻載制帥  
參政范公戒大嘗於其地置邏舍十所籍丁壯四百舟  
六十舍以三人直夜邏然更迭煩擾久竟廢於是制置

大使丞相吳公精思熟籌惟民是便市地創寨為屋二十餘楹遣戍置屯為軍五十輩統以偏校餉以生券給以軍艦漁戶之瀕江者有籍漁舟之助巡者有番守衛專而行旅無攸攘之虞規模定而里社無煩苛之擾一洗前人簡陋之弊可以為悠久無窮之利矣

一寨基

買徐再七徐再二元買應以敬應宥說水田二畝  
一角二十七步

一寨屋

門三間

廳三間

堂三間

中亭一間

廊房十二間

廚屋四間

制府撥錢三千貫令兩都義役主事起造毫髮  
不許科擾仍支錢二百五十貫做造床榻什物  
以開慶元年三月十七日入寨寨以永平為名

一軍兵

定海水軍每季輪差五十名仍撥為光化字號戰

船三隻以將佐一員轄之

一軍兵生券

每名月添支米七斗五升錢一十貫歲計米四百五十石錢六千貫文並係制府創支

一巡船

八都共團結漁戶船四百二十八隻每夜輪五船巡邏置牌五面就丈亭咸池兩處置局夜潮生則自丈亭局請牌發船次旦納牌於咸池局夜潮落

則自咸池局請牌次早納牌於文亭局仍免官司  
諸色差科大槩一季僅當一夜巡警之勞却可免  
州縣不時之役

向頭寨

中興駐驛錢塘恃險為衛然所以為衛者不于天于其  
人於是平江有許浦水軍嘉興有澈浦水軍慶元有定  
海水軍皆創自先朝者也大使丞相吳公守嘉興日又  
創金山水軍為澈浦外拓今以舊弼建大閘于鄞綢繆

牖戶益既乃心謂定海水軍防制倭麗則有餘屏蔽京師則不足周爰咨詢有地名曰向頭近在定海之裏其面勢與金山相直南抵錢塘東接溫台西通蘇秀北達青齊海舟胥此焉出聞于上即其地置屯又謂鳴鶴巡檢司距海二十里於警捕非宜併移戍其傍聯絡聲援京師左右前後之衛始益密矣迺委本司屬官趙若堦水軍統制邢子政踏逐地段起造兩寨共三百三十六間經始於寶祐六年之二月竣事於八月續因軍民之



請以向頭三面鯨波有泥塗二三里南與渭河接自渭河三四里始通外河居焉者陸運薪米以給日用勞且費今新寨成生聚盆衆不宜使之負戴於道路復劄統領吳雄浚新河八百九十九丈築東西海塘自石人頭山至瓜誓山九百七十四丈自贍軍庫至龍尾山四百八十丈堰澮有規原防有町舟楫流通咸便之凡一竹木之直一夫役之費尺地寸土之市易連營列竈之遷移官給錢各有差工匠雜色錢六萬二千五百六十二

貫七百八十文米四百一十石五斗九升二合五勺雇  
夫輦運竹木錢七千貫水軍寨兵般家錢一萬五百一  
十貫兩寨基地交易錢一千三百一十貫浚河築塘錢  
九千八百貫

奏狀

臣聞防江海之險與防平陸之險不同防平陸之險專  
以人力防江海之險專以人謀蓋賊雖有千艘萬艦纔  
一開岸則為風水所使散漫四出決不能成鯨合伴并

力於我我但得精卒三千人堅好之舟三十隻屯泊于賊所必經之地一舟過則殺一舟自可使之無復遺類此機六韜三略之不載而前史徃牒之所未詳也臣竊惟自中興南渡立國錢塘所以創許浦水軍于平江創澈浦水軍于嘉興創定海水軍于慶元無非為京師左右前後門戶之防但許浦枕揚子江而置司去京師為遠惟澈浦去京師為近而不知澈浦之外又有所謂金山乃應千舟楫所必經從梢泊之地臣二紀之前假守

嘉興適逆全有窺海之意臣遂具申朝廷創招水軍千人於金山又為澈浦之外拓至今人以為宜今定海水軍雖得控扼之地然於防制倭麗則有餘而於遮護京師則不足若曰山東之賊欲送死鯨波則自膠西放洋遼淮東料角諸沙之外自有徑截洪道直達前所謂嘉興之金山不必更放大洋不測之淵而至定海也故曰定海之屯於防制倭麗則有餘而於遮護京師則不足臣今體訪定海之裏有地名曰向頭至錢塘江只一潮

汎乃應千舟楫所必經從上渾之處與嘉興之金山亡以異而形勢則過之且有地可以建寨有山可以藏舟臣所招剌闕額水軍五百人人人必皆選士就彼屯駐設有緩急則增兵占守可以萬舉萬全而京師有金湯之固矣昔高廟朝御史中丞沈與求嘗奏云議者皆欲於向頭置屯使賊至此已是入吾腹心之地蓋是時登萊海寇尚與本朝相聞而高麗亦羈縻未絕故或者猶有不肯宴安江沱之意而與求之論所以欲向外下工

夫今時異事殊臣所以舉此一節者欲乞證向頭置屯  
先朝諸臣固嘗言之非臣之苟言也

營寨酒車屋

一水軍分戍營共二百一間定海水軍分撥一百五  
十名在下居止

門屋三間

天王堂三間

將官廨舍廳堂軒屋等二十三間

寨後門屋一間

教場亭三間

軍房一百六十八間計二十八號每號六間

一土軍移戍寨共一百二十九間鳴鶴巡檢司移屯  
九十七名在下居止

門屋三間

天王堂三間

巡檢廨舍廳軒堂屋等一十九間

寨後門一間

教場亭三間

軍房一百間計二十六號內二十二號各四間四

號各三間

一瞻軍酒軍屋六間

營寨基地

趙萬一住草屋兩間兩厦及種麥四片三畝二角  
其地係官塗草蕩支般移錢五十貫種子錢三十  
貫

翁再十七六畝二角二十步支錢三百二十九貫  
一百七十文住瓦屋三間一厦支般移錢五十貫  
翁再十四三畝二角四十八步支錢一百八十五



貫住瓦屋五間一厦支般移錢五十貫

陳大琳二畝三十步支錢一百六貫二百五十文  
方千三一畝三角二十步支錢九十一貫六百七  
十文

戎九四一畝一角一十二步支錢六十五貫

虞四乙一畝三角支錢八十七貫五百文

姜萬五一畝一角二十步支錢六十六貫六百七  
十二文

翁左三三角支錢三十七貫五百文

虞從一一畝支錢五十貫

翁晉卿二角支錢二十五貫

翁千六官人翁千六三官人三畝一角支錢一百

六十二貫五百文

翁三十官人二畝支錢一百貫

九寨巡檢

沿海九寨曰鮎崎大嵩管界海內白峯岱山三姑岑江

螺頭寨官舊差軍班部史任子軍無政直棘門霸上之  
兒戲耳脫有緩急俾壯聲援可乎寶祐五年七月大使  
丞相請于朝以九寨隸制司許從選辟紀律整嚴脉絡  
融貫實軍政之一助

詳具奏篇

省劄

照對本司恭準樞密院劄子備奉宣諭指揮令本司條  
具海道事宜務在整飭舟師訓習水軍繕治器械凡有  
緊急衝要去處作急措置嚴為關防務要上下接連聲

勢聯絡常切探望往來巡邏以防出沒衝突無或玩愒  
時日以致稍有疎虞本司恭稟繼即行下定海水軍詳  
度利害逐一條具以憑施行今據本軍申到事理粗為  
詳悉謹備錄在前但其間尚有開柝未盡及合區處項  
日本司謹具件劃奏申如后數內一項此邦沿海凡九  
寨曰鮎崎大嵩管界海內白峯岱山三姑本江螺頭計  
土軍一千四百八十三人朝廷勅立本欲與定海水軍  
相為犄角肅清海道承平既久寨無可用之卒卒無可

用之舟半是買閑半是占借教練不習擊刺不閑兼九寨巡檢多係軍班部吏任子並不諳所謂海道事宜目不曾接風濤足未嘗履海岸惟循常襲故培植自肥而已故此一千四百八十餘人之土軍徒費國家錢糧衣賜無具甚矣區區欲望朝廷將九寨巡檢向去遇有滿替之人許從制司選辟曾從軍伍諳熟海道慣會船水之人充巡檢職事庶幾頭目之人以漸更易衆聽不驚而寨卒亦漸可訓齊教習以無用為有用仍遇有盜賊

許令定海水軍主兵官會合調遣一應功賞並與水軍一體施行實為海道悠久利便右七月二十四日奉聖旨依所乞將九寨巡檢遇滿替日本司自行選辟慣習海道曾經管軍人其土軍仍聽節制教閱劄送沿海制置大使司關牒施行

烽燧

烽燧列於荆淮百年矣義士目擊而痛心焉浙左股肱郡耳不有金章烽燧奚為哉論者固為海道之防爾

指揮本末

寶祐六年秋九月準樞密院劄子勘會邊聲日急敵謀  
窺伺海道意向巨測所合嚴行措置已火速劄諸練海  
道主兵官相眎險要把截水路嚴密關防并劄許浦澱  
浦金山於本軍地分晝夜往來巡遶仍自金山以至排  
徊頭初立烽燧接連澱浦聲勢并劄本司行下定海水  
軍一體措置聯絡聲援遂專委官同統制按眎險要均  
布地界置立烽燧分為三路皆發輒於招寶山其在海

洋者自招寶山至海道壁下山共十二鋪其抵向頭者  
自招寶山至沿海向頭寨共九鋪其達府城者自招寶  
山至沿江本府看教亭共五鋪鋪用兵五名合千人一  
名往來照管巡轄及招寶山一鋪增差合千人一名沿  
海以至向頭沿江以至府城亦如之鋪兵口券每半月  
一番支給每夜發更時自看教亭賣號火平安牌至帳  
前傳入押教報覆蓋法當於奉國軍樓置立一鋪相映  
以內郡耳目易駭遂從看教亭密傳一牌竟達轅帳而



沿江沿海號火疾馳觀者竦懾惟海洋十二鋪脫遇雲霧四塞日不堪舉旗夜不堪舉火則以響砲為號具見申省狀中茲不盡載云

一海洋自招寶山至石衙壁下山共十二鋪

招寶山至烈港山一鋪

一名獵港

招寶山帶東北取烈港山約一潮可到傍近雖有七里嶼鐵杵山俱是小山每有風潮海浪皆衝激而上不可置立烽燧若天氣清明煙旗火

號僅可相應或遇海氣冥濛霧露遮蔽風雨晦  
暝皆難應號

烈港山至五嶼山一鋪

烈港山有人煙西北取五嶼山約一潮可到傍  
近別無以次山嶼若天氣清明煙旗火號僅可  
相應或遇海氣冥濛霧露遮蔽風雨晦暝皆難  
應號

五嶼山至宜山一鋪

五嶼山無人煙東北取宜山約一潮可到傍近  
別無以次山嶼若天氣清明煙旗火號僅可相  
應或遇海氣冥濛霧露遮蔽風雨晦暝皆難應  
號

宜山至三姑山一鋪

宜山有人煙西北取三姑山約兩潮可到傍近  
別無以次山嶼緣相隔稍遠不問晴明陰晦煙  
旗火號皆難相應

三姑山至下千山一鋪

三姑山有人煙東北取下千山水路約一十五里若天氣清明煙旗火號皆可相應或遇海氣冥濛霧露遮蔽風雨晦暝皆難應號

下千山至徐公山一鋪

下千山無人煙東北取徐公山約一潮可到傍近別無以次山嶼若天氣清明煙旗火號僅可相應或遇海氣冥濛霧露遮蔽風雨晦暝皆難

應號

徐公山至鷄鳴山一鋪

徐公山有人煙帶西北取鷄鳴山約四潮可到  
傍近別無以次山嶼緣相去隔遠不問晴明陰  
晦煙旗火號皆難相應

雞鳴山至北砂山一鋪

鷄鳴山有人煙直東取北砂山隔一港煙旗火  
號皆可相應

北砂山至絡華山一鋪

北砂山有人煙直北取絡華山約一潮可到傍  
近別無以次山嶼若天氣清明煙旗火號僅可  
相應或遇海氣冥濛霧露遮蔽風雨晦暝皆難  
相應

絡華山至石衙山一鋪

絡華山東北取壁下山直西取石衙山皆有人煙  
風水順便半潮可到風水稍逆使用一潮傍近

別無以次山嶼若天氣清明煙旗火號僅可相應或遇海氣冥濛霧露遮蔽風雨晦暝皆難應號

石衙山至壁下山一鋪

自石衙山東北以至西北別無山嶼皆是深洋大海浩浩無垠

壁下山一鋪

一沿海自招寶山至向頭共九鋪

招寶山二十里至陶家酒店一鋪

陶家店約十八里至貝千念五家前一鋪

貝千念五家前約二十餘里至澥浦山正覺寺前

一鋪

澥浦山頭約一十五里至沙角頭陳亞三家前一

鋪

沙角山頭約一十餘里至伏龍山尾徐亞三家前

一鋪



伏龍山尾約一十五餘里至施公山王友二家前

一鋪

施公山約一十八里至周家塘鹽場周太家前一

鋪

周家塘鹽場約二十里至下澤山頭林太家前一

鋪

下澤山頭約一十餘里至向頭山分戍營外翁太

家前一鋪

向頭山分戍營一鋪

一沿江自招寶山至府城五鋪

招寶山約一十五里至石橋渡沈季二太家前一鋪

石橋渡約一十五里至馬阻匯徐鹽戶家前一鋪  
馬阻匯約一十里至路林楊再八太家前一鋪

路林約一十二里至白沙王太家前一鋪

白沙約八里至本府看教亭一鋪

本府看教亭一鋪

申省狀

照對本司連準密劄備奉宣論據白劄子內所陳海道事宜分為上中下三屯將台溫明越四郡民船屯泊於岱山本江三姑山烈港四處仍發定海水軍岑江三姑巡檢司土軍能弓弩手者敷攤逐處民船置烽燧水遞互相應援等事潛除已分委官屬親往各州同守臣鄉官從公集議將去歲已行義船規約并將應干海舟團

結外竊照潛素於四方山川江海水陸險要頗知大畧  
二年備數瀛閩尤得其詳凡海道當行事宜固已一一  
粗舉今者邊遽之急適當因任之初潛朝夕思惟幾忘  
寢食尤不敢以紙上具文塞責所有烽燧一事已檄上  
定海水軍統制指授圖冊令其將帶撥發壕寨合千人  
等親涉海島相度地勢日舉煙旗夜舉火號審試的實  
排比次第共烽燧二十六鋪自定海水軍招寶山至烈  
港山自烈港山至五嶼山自五嶼山至宜山自宜山至

三姑山自三姑山至下干山自下干山至徐公山自徐公山至鷄鳴山自鷄鳴山至北砂山自北砂山至絡華山自絡華山至石衙山自石衙山至壁下山此大海洋之中十二鋪也又自招寶山至陶家店自陶家店至貝念五家前自貝念五家前至澥浦山頭自澥浦山頭至沙角山頭自沙角山頭至伏龍山尾自伏龍山尾至施公山自施公山至周家塘自周家塘至下澤山頭自下澤山頭至新建向頭山水軍土軍兩寨此自定海水軍

至向頭山之九鋪也自招寶山至石橋渡自石橋渡至馬阻匯自馬阻匯至路林自路林至白沙自白沙至本府看教亭此自定海水軍至慶元府城下之五鋪也已一面造辦鋪屋分差鋪兵悉用邊淮規模措置經理矣所有分屯一事已照密劄差委本司添差制幹劉錫前往撞點各於戍所批厯為照專俟三郡團結公定番次舟隻南自烏崎頭北自石衙中自三姑山至大七小七與夫神前礁舉馬跡胸山長塗岑江岱山烈港及近準

行下洋山等處分布擺泊矣但烽燧雖當置而立烽燧於海洋之中者不容不慮分屯雖當備而求分屯於海洋之外者尤所當憂且長淮烽燧相隔十里此舉彼應連於置郵今前所謂海洋十二鋪如石衝壁下者孤立海中四無畔岸雲氣昏塞風雨晦暝覲面之間猶無所覲而何以責其號火之相應兼海寇切齒水軍今以數人置之孤嶼脫有盜至直机上肉又往來經商之舟常與賊舟混殺遇夜停泊亦是舉火今雜然無別何以取

證潛固已為之處遇旗煙號火不可覩望之時則以舉  
砲為號是雲氣昏塞不足以隔我之應號也至於每夜  
舉火為號必以五起五落為準待彼相應方始住火是  
商舟舉火不足以亂我之應號也它如孤嶼數兵慮遭  
賊手則於海山諸處增其人數選其膂力授之兵器使  
之可以相衛是盜賊之患亦可無慮所謂立烽燧於海  
洋之中潛固已悉為之處矣然置烽立屯規模措置與  
近日密劄坐下澈浦所置烽燧之處及許浦所申隄防



捍禦之處皆不過在吾境數百里海洋之間而已。迺若巨浸滔天，茫茫無際，目力之所不接，兵力之所不及，固當防之於藩籬之外，如待其入吾腹心而圖之，則晚矣。且以敵人自新舊海州入海言之，則其所經由者有三路。所謂三路者，敵欲侵擾淮東，則自舊海發舟直入贛口；羊家寨迤邐轉料至青龍江揚子江，此裏洋也。若欲送死浙江，則自舊海發舟直出海際緣贛口之東杜苗沙野沙外沙姚劉諸沙，以至徘徊頭金山澈浦，此外洋。

也若欲送死四明則外洋之外自舊海放舟由新海界  
分東隅山之表望東行使復轉而南直達昌國縣之石  
衙關嶮然後經岱山岑江三姑以至定海此大洋也凡  
此三洋其源頭皆自新海東西隅山之表裏所謂防之  
於藩籬之外者或其在上下乎惟是潛職分所在責  
在大洋所以擺布悉從定海而始但目今軍分出戍既  
多在寨無幾又前此主兵官不得其人如軍器之類無  
一旗一矢之藏方此兩年旋為之備一番調遣又覺單

虛潛自當極力趲補不敢縷陳私復惟念敵若不由大洋以窺定海則或轉料從裏洋而窺揚子江否則由外洋徑窺浙江其由轉料從裏洋而窺揚子江則有許浦水軍其由外洋而窺浙江則有澈浦金山水軍但轉料一說恐非敵人行軍之徑路蓋海商乘使巨艘滿載財本慮有大洋外洋風濤不測之危所以緣趲西北大岸尋覓洪道而行每於五六月間南風潮長四分行船至潮長九分即便拋泊留此一分長潮以避砂淺此路每

日止可行半潮期程以為保全財貨之計若敵舟窺伺  
叵測豈肯曠日持久迂回緩行使人知而避之此轉料  
從裏洋入揚子江一路潛以為決不出此然則稍減料  
角一帶之備而趨出三兩層增加東西陬上下一帶之  
備以遏其源頭夫亦可為愚者千慮之一乎若論二洋  
形勢則外洋尤緊此潛所以新置向頭一寨與金山漵  
浦相接實為行朝密布第二重門戶蓋已在邊遽未急  
之先矣并陳梗槩須至申者

探望

定海水軍舊例月差軍兵出洋其目有三曰三洋巡連  
曰北事探望曰港口守把異時差卒不多率應故事不  
支口券俾就食本身月請居者需贍給行者仰資糧皇  
皇無所愬諉曰港口守把者去寨近更番歸哺不過勞  
勩而已若巡連則自烈港轉蘇州大洋遠至許浦若探  
望則自神前等處遠至海驢礁脫阻風迴程不可期糧  
且乏絕何暇悉心國事大使丞相分間以來各項差兵

倍撥人數且不問遠邇每兵令項月給生券錢七貫米  
七斗三項凡三百七十六人歲支錢三萬一千五百八  
十四貫文米三千一百五十八石四斗皆於措置酒息  
錢及外郡糴到米內支撥士飽而歌人百其勇竭勞巡  
覈奸慝汎清三年之間滄溟晏然蒲葦不驚其利弘矣

四明續志卷五